

讀

韓

記

疑

注唐人集務炫博以誇多於時者莫甚於宋宋人注杜
集一千家注韓柳集五百家韓集之有五百注自慶元
中建安魏仲舉始五百家中之有考證音訓者然僅止
三十一家而外此或牽合同時唱和之人或摘錄史傳
一二語無書者復虛構其目以足五百家之數實與本
集無豫校讎莆田方崧卿嘗作舉正刻於南安軍朱子
因其書作韓文考異十卷嘉定中福州王伯大又取考
異重爲更定刻於南劍州朱子原書仿陸德明經典釋
文之例摘正文一二字大書而以所考小字夾注其下
別爲卷帙附於全集四十卷之後伯大離析原文散入

各句之下又採洪興祖年譜辨證樊汝霖年譜注孫汝
聽解韓醇解祝充解音釋於末迨麻沙本出伯大綴於
篇末者又取而散諸句下蓋伯大易朱子之第坊賈又
易伯大之第全失其初矣舉正原書世不易觀雖以太
原閻徵君之淹博其第十六卷代張籍與李浙東書明
注李遜且引舊書本傳遜以元和五年刺浙東九年召
還此書作於六七年間而潛邱劄記謂不知李浙東爲
誰稱得李翱全集或可以考則徵君亦未覩宋鑿本也
惺齋王先生吾鄉碩學方聞之彥具知人論世之識罷
官後一意著書於史漢天官律歷等志多所發明尤癖

於韓集以朱子考異久無善本字句多有異同篇章不無竄亂以及洪譜之疏漏方樊諸家好奇踵繆之說朱子未經議及者合諸家之本句梳字櫛補缺糾謬五十年間三易其稿成志疑十卷用力可謂懃矣緯雲夙同嗜好肄業之餘輒得數條竊以補先生之未及焉按李漢原序稱注論語十卷傳學者順宗實錄五卷列於史官不在集中合詩文雜著總七百并目錄爲四十一卷初不云有外集也陳振孫直齋書錄解題雖載有外集十卷已疑其僞妄第稱外集皆如舊本朱子獨用方本益大顛三書今考外集自海水詩至明水賦二十五篇

之數俱全無大顛書何也崧卿南安軍原本全集不傳
舉正十卷猶及見之桓字缺筆敦字不缺避欽宗諱而
不避光宗實爲淳熙舊刻崧卿己酉自跋一則稱昌黎
先生集四十卷外集一卷附錄一卷增考年譜一卷復
次其異同爲舉正十卷與書錄同而陳氏獨多外鈔八
卷云此爲嘉祐劉煜所錄者二十五篇益以石刻聯句
詩文之遺見於他集者葛嶠刻柳文又以大庾韓郁所
編注諸本號外集併考疑誤輯遺事爲之然則外鈔葛
氏增以配柳非方氏之舊也方氏引據碑本十有七引
據諸家之書十亦無所謂石刻聯句詩文之遺於他集

者不知考異又何所據而云然也舉正改正之字用陰
文以代朱書衍去之字以圓圈圍之增入之字用方圈
圍之顛倒之字以墨綫曲折乙之體例亦較考異爲明
晰蓋經書亂逸失本來南劍州本舛譌遺漏不二而足
近代安溪李文貞公家曾有宋本考異係朱子門人張
洽所校末附張洽補注各條其陪林侍御游湘西兩寺
詩云洽嘗親至嶽麓寺見長沙千里平千里作十里又
辨曹成王碑中搏力句卒之義原性一篇引楊倞荀子
注辨唐人實作性原朱子誤以原性爲是以改方氏皆
今本所不載惜二書先生未寓目焉陳景雲點勘最爲

精確先生既採其疆圉廋曠宗王父訟等說其他如元和聖德詩之麻列則證以李白夢游天姥詩梁國公主輓歌之厭翟則證以毛詩鄭箋師說之句讀則證以經典釋文祭李使君文之驚透則證以揚雄方言及左思賦烏氏廟碑之立議則證以漢書顏注南宮不止稱禮部則證以赤籐杖歌廟令老人則證以唐志五岳四瀆令諱辨之治字則證以德宗祔廟高宗已祧各條亦悉有根據顧何以遺之也前代崇禎時吾禾蔣之翹亦刻昌黎集於閩中注多不列姓氏概易之爲或本或一本難以尋求且少援證而多載評語別無心得先生是書

在精確不在汎濫體例與方朱原本不謀自合豎義亦多發前人所未發具有特識洵足爲韓氏之功臣緯雲辱與先生猶子復篤潘楊之誼先生多友教四方弗獲追隨杖履庚子後始見於里門未久卽歸道山今年令嗣尙珏以是書商刻粵東官事之暇鉤探衆籍躬事校讎李文貞公昔繙刻考異徐侍講壇長校勘其字點畫悉皆不苟緯雲用愧斯役於其剞劂旣成因述所得縷序簡端以志平生向慕之忱云爾姻家姪同里馬緯雲

讀韓記疑弁言

答惺齋先生見示讀韓記疑首冊書

沈德毓

德毓頓首昨冬蒙示讀韓記疑首冊歲闌多冗未遑卒業今春酬應稍閒悉心校讀仰見前輩遜心稽古深造

自得之學凡故時刊本中篇題

如合江亭大類

異字

刊正甚多

更有特筆改正如此日足可惜詩註主人李元

錯簡

如題

當作李元淳瀧吏詩六旬句當作四句之類

晦義

如烽火之爲吐蕃內寇條山之感陽城事魯連之譏後進爭名病鴟之斥

刑部之類

偽作

如早次太原定爲

以及洪譜之疏

劉又新皆是漏方樊諸家好奇踵謬之說考異所未及是正者補闕

糾訛一一疏通而證明之俾無失作者之意而并有以
慰朱子待後之心洵屬有韓集來目所未見之書顧猶
下詢諄諄命司磨校之役自慙寡淺詎足裨益崇深聊
就管窺所及附書一二空空之鄙冀獲兩端之還叩耳
又聞他文自雜著而下悉有論著并望惠賜一觀俾未
學小生亦得與聞作述之大旨沐教更無窮已曷勝慶
幸虔懇之至德毓再拜

讀韓記疑卷首

朱子韓文考異序○其信之也則宜

先言舊本官本可信

亦謂如

羅池碑改步爲涉田氏廟改天明爲王明之類

耳亦耳二字

疑衍謂如以下二十字當改小書作註

當在天禧中

天禧真宗第四元

祥符杭本

祥符真宗第三元在天禧之前然自天禧末年上湖祥符初元才十四年耳而歐公所得蜀本特稱爲舊物而

尤惜之則非祥符新刻可知

嘉祐蜀本

嘉祐仁宗第九元其本爲蜀人蘇溥所刊又在歐公得舊

蜀本後三十餘年別有南宋建炎間臨邛韓醇所刊則亦謂之蜀本三蜀本中舊蜀本最古今但謂之歐本則

固本未嘗必以舊本爲是而悉從之

於蜀本之舊于祥符者猶必時求善

本改正足知舊本未可盡信固下本字當刪

不當但以地望形勢爲重輕

言次

官本亦未可盡信

不敢偏有所廢

此言考異一書所以兼存諸本之故○考異之作本按方

本為之故既改正其文義之未善者而於無甚害理之語往往姑從方本然必備載諸本異同則固望善讀者得因此益致其精也故鄙人於考異本時有覈正蓋亦本朱子遺意

李漢原序○有至焉者不也

昌黎文雖游戲之作無一

惟李漢趙德二序平日漸涵于教澤者深故能畧窺其意竊謂能作此等語者不問知為韓門弟子若使柳州門下執筆其語定別○如原道篇謂道德必合仁義言之荅侯生書謂反身而誠則能踐形之備韓子之學上承孟子下開濂溪周子者如此不謂之深于斯道不可也恨讀者但知採擷英華無有能剝其實而咀其膏者耳剝掠潛竊此漢後文卑都為四字所誤卒澤於道德仁義炳如也蛟龍虎鳳韶鈞特言其采色聲音之洞視萬古惻惻當異此句迴應前文乃為得其深處

世此二語惟韓教人自為自為對上剝掠潛竊言之專能深造自得則其辭必出于己必不肯蹈襲前人一言一句或云教人自為謂公以師道自居此解于上文大

極頽風下文堅字及先生益堅謂堅其辭必已出之志比於武事

摧陷廓清等語不協謂掃盡剽掠潛竊之弊

音註韓集諸家姓氏新安本卷首有此一篇所載凡七家惟建安本所載姓氏最多然自

公門下士與公以詩文還往及唐宋人議論公文見於諸家文集者悉載之今用漢書顏師古敘例專取註釋

諸家及宋景文漢書兼列參校諸本都凡二十七家備列如左

唐天水趙德編輯公文號文錄考異所稱潮本是也

令狐澄桂管廉使定之孫相國楚之從孫歷官中書

舍人校刊韓集宋人所據唐本是也

宋祥符杭人不詳校刊人姓氏

廬陵歐陽修字永叔校正舊蜀本韓文謂之歐本

蜀人蘇溥嘉祐中校韓集號嘉祐蜀本

汲郡呂大防讎正韓文撰年譜

臨漢魏泰字道輔撰釋註

丹陽洪興祖字慶善撰年譜辨證

又有校定韓文號洪本

東蜀樊汝霖字澤之著公誌及年譜註

眉山孫汝聽字良臣

臨邛韓醇字仲韶

眉山劉崧字公輔以上三家各著全解

文溪祝充字廷賓音義

建安嚴有翼字冲甫著韓文切證

建安蔡夢弼字傳卿著纂註

程俱撰歷官記

五百家本云程至道著年譜意卽是人

姚令威撰集註

方氏舉正及魏氏五百家註引之

莆田方崧卿撰增考年譜及韓文舉正

新安朱熹字仲晦校定韓文別撰考異

西山蔡元定字季通撰補註

集中所採補註往往多悖理之談必非西山手

筆恐五百家所云蔡氏補註另有一本非今本也

建安魏仲舉撰集註號五百家註本亦稱建本魏本

留畊王伯大爲南劍州通判取朱子考異原文分附

韓集正文之下每卷末別附音釋若干條號南劍本

卷首凡例十二條一日正文及篇次係按方崧卿本
而用諸本參校註云杭係監本閣係館閣本石係石
刻本洪係洪興祖本又有潮本蜀本泉本晁本按謂
杭爲監本蓋宋南渡以後之稱此自留耕新例考吳
所引乃指祥符中民間刻本非官書也晁謂晁補之
校本此外考異所引尙有歐本及李謝校本又蔡文
忠張本潛
諸校本

閩人廖瑩中亦分考異原文附本集正文之下兼採
五百家註號世綵堂本亦號廖本

明新安朱崇沐又取王伯大音釋併入正文之下號新

安本亦稱綴本

此書脫誤甚多因其行世最廣故特據此詳校俾讀者考焉

吳中徐時泰取廖氏世綵堂本倣朱子楚辭集註例
刪去註家姓氏刻之東雅堂中號東雅堂本亦稱吳

本按楚辭集註朱子鎔鑄前聞自以己意貫串成章不宜攙入舊註氏名以亂其體徐氏校刊韓集不
過勦襲諸家成說顧乃刪去氏名使首尾不相接續
豈復成著述之體徐氏誣前賢以苟便己私讀者慎
勿為其所惑

皇朝長洲何焯字屺瞻著義門讀書記評註韓集為詳
吳江陳景雲字少章著韓集點勘

長白富口號仁軒司藩江右取五百家註重刻之仍

號五百家註本

今世所行韓集正集外尚有外集十卷別集一卷別集者朱子採方本及

他本所錄石刻遺文等是也今江右所刊但存正集四十卷蓋非魏氏完書近秀水朱彝尊跋李太僕家藏慶元間五百家註本別集外更有論語筆解十卷筆解自朱子時便有散亡之憾然謂伊川學者多取之今其大義之僅存而可見者如別集荅侯生書其論甚偉竊謂聖人復起所不能易公嘗自言讀書惟

有其意義所自本例生書之旨愈益言角其書而不敢過求其意今此書慶元魏本獨載之朱氏去今未遠知此書猶在人間倘得好古有力之士博求而并刻之尤讀韓者一大快云

右凡二十七家寒家所有惟南劍新安吳本新刊五百家註本及義門讀書記韓集點勘六種叅以顧嗣立韓詩集註方世舉編年箋註二種據此校讎深愧見聞未廣幸海內篤學之士爲之訂訛補闕別有以開其所不逮焉嘉興王元啓

讀韓記疑卷一

嘉興王元啓宋賢著

男尚珏尚繩校刊

賦

感二鳥○白鳥

樊曰貞元十一年河陽獻白鳥見舊史

光耀如此

此下他本有可

以人而不如鳥乎一句方外閣本文粹刪去考異云諸
本所有之句乃全用大學傳中語而意則異矣二本無
之豈公晚覺其陋自削之歟抑後之傳者爲賢者諱而
刪之也○愚按諸本乃妄庸人勦大學傳中語添此蛇
足韓公以剽賊舊文爲大戒遊其門者卽所不爲果有
之則李漢編集時卽應刪去何待數百年後之方氏始
爲隱諱況此句之陋少年學子稍知向方者卽知笑之
韓公之賢寧待晚而後覺又此賦通身注意在結語無
羨斯類一句增此則與本旨大背矣朱子不爲韓公苟
辨誣反譏方氏曲爲隱諱兩皆被枉恐非平允之論

有食其從之

此公之東歸蓋將擇藩幕為依棲之所故有

語如孔子不用於魯則適齊適衛適宋鄭陳蔡諸邦以

斷一當孟子論古君子之仕苟可免死即就之蓋自古

聖賢莫不皆然或乃用此為譏則必槁死窮山而後可

彼蒙袂緝屨者之不食嗟來之食曾子又何以斥其微

歟

隆景

按景光也隆景猶所謂炎

羌永

羌乃發語之辭施之句內似亦未安○愚按楊雄甘泉

賦厥高慶而不可乎疆度慶讀曰羌顏註亦訓發語辭

則知羌字亦未始

汨

音聿水流也字从曰其音骨者訓

不可施之句內

兼收聿骨

二音非是無羨斯類

詩大序云變風發乎情止乎禮義

風陶淵明謂始則蕩以思慮終歸閑正白樂天亦云窮

極其妄周知其偽然後返乎真歸乎實蓋辭賦之體宜

爾若但摘取一二託與之語便肆譏訶則如召南野有

死麕首二章與鄭衛淫亂之詩何異顧與關雎麟趾並

目為正始之道王化之基抑又何歟此賦卒章云上天

之生余亦有期于下地豈求配于古人獨招悵于無位

非學聖者不能具此襟懷作此言論也又云幸年歲之未暮知其其中所汲汲正自有在結云庶無羨於斯類則夫二鳥之光榮公已明言不羨矣或反以不羨為羨得非錯會韓公本意○按斯類字所該甚廣如貞元季年欲速僥倖之徒超資越序進者皆公所斥為斯類者也

復志○蔡孤舊作孤蔡今從謝本改正就食江南貞元

元年公以中原多故避地江左○按公始避地在興元以前建中之歲讀公歐陽詹哀辭可見蔡謂貞元元年

非至今十年公自貞元二年入京師至十一年歸洛首

非浚之都此下纔及入既勞後食公之厲志如此

閔己此賦公自京返洛未入汴幕時作若入汴後隴西

戚之辭然此賦所言乃居閑食不足之意無一語及于

從仕之難當在未仕之先晁无咎謂公才高數黜官自

傷不遇之作註家遂定為貞元十六年自徐返洛日作

其實非是此賦當列感二鳥之後今附復志賦後故多

異論如此○古之人古之人謂伊尹傳說之無類按無類謂

記云身不正言不信則義不壹行無類也蓋謙言不足

比類前賢下文哀與我者為誰乃言朋類之希孫註昏

昏句即寡朋類哀與我者為誰公自言舉足蹈道然

言之語傷促狹其非讀此知當公之固守靜俟歐陽子有言余之仕于

世已為時論所不與固守靜俟進不為喜于退不為懼

者蓋其志先定而所學者宜然也柳宗元依附叔文乃

云欲與堯舜周孔之道宜其身被垢汚畢生莫浣也公

以固守靜俟為志故能不羨小人之得時

別知○歲行兩周讀公歐陽詹哀辭知公取友自建中

矣歲行十二年一周今未滿二十四年故云將兩周蔡

註復志賦謂公貞元元年避地江左此又云興元元年年

始避地皆臆說也又以興元元年至貞

元十九年為二十年故云兩周亦非

寧安顯而獨裕

顧阨窮而共愁鄒意此二句當

斯百一而為收陳景雲

剛說見下文

作斯一旦而為仇按爾雅釋詁仇匹也一旦為仇猶言
傾蓋如故似作仇其義獨長○愚按余所得文粹本乃
嘉靖六年東陽張大輪校刻實作百一為收據其跋尾
尚有閻刻蘇刻二本陳所據大約是蘇本然既訓仇為
匹何不直云傾蓋為仇義尤明顯顧必變文為一旦乎
或云百一為收與上擾擾既多句義不相應余謂公荅
崔羣書交往百千心服者惟崔君一人此言知心難得
知心與喜能好修殊義喜能好修不過愛才知心則須
擇行如楊文顯二句梗塞前後文脉刪去則呼應尤靈
所在翻嫌安顯二句梗塞前後文脉刪去則呼應尤靈
又此賦做離騷體每四句為一爛漫同流二句極言相
章增此則章次亦參差不整矣
接此歡來者非此指支使復來言楊既不能數來公又
云云不能即去故
此別尤慘

古詩

元和聖德詩

此詩元和二年正月公為國子博士時作
公以是年夏末赴東都春初猶在京師故

云日與羣臣序立紫宸殿下蔡氏作知公于二年分
司東都而是詩所述正月上辛郊祀事又不宜列諸秋
後遂造為正月分教○血人於牙問韓曰傳言關嘗病見
東生賦此謬妄殊甚○其口關輒裂食之其狼惡之狀如此○按此句泛言
關之狼惡若專指問疾一事則為記事不提其要矣蜀
可全有旌節遂求兼領三川荆并暨梁孫均河東嚴
綬山南西殷其如鼻殷眾也詩鄭風殷其盈周禮殷見
道嚴礪殷其如鼻殷類傳註並同此解此承四軍齊
作言之解作眾義接下如鼻喻意尤親或引殷其雷聲
天動地殷動宇宙等字為證指為軍聲之盛既指軍聲
何獨取鼻之無聲者為喻近人好枷脰械手奔吐蕃高
奇炫博不顧文義之安往往類此柳脰械手奔吐蕃高
霞寓等追之及于羊灌田關投水爭刳膾脯此詩蘇轍
不死騎將鄺定進擒之檻送京師爭刳膾脯此詩蘇轍
雅體樊汝霖謂德不足則夸此諸魯頌之辭侈南軒張
拭獨謂公意欲使藩鎮知畏懼不敢叛耳今人讀此且
為寒心況當時藩鎮乎如牆有茨桑中諸詩龜山謂此
衛為狄滅之山存之蓋所以示戒諸家之論惟南軒為

得作者之意
魏幽恒青
孫蔡魏本皆如此其序自西而北而

則田季安幽則劉濟恒則王士真清則李師道徐則張

悖蔡則吳少誠皆一時藩鎮之國按方作幽恒青魏其

言錯雜無
私習簋簠
按恒威故蹈武而習簋簠
伯父叔

舅
此指九州之牧言之據禮
新宮
孫曰順
魚魚雅雅
古

府朱鷺魚以烏楊慎曰鳥古與雅同叶蓋古鳥雅雅本

一字魚以雅者言朱鷺之威儀如是韓詩魚魚雅雅本

此一云魚有貫雅有
飫羶燎薌
孫本魏本如此方作飫

陣義取扈從之象
沃羶薌朱子云飫沃之

義未
曰正當午
方云校本作日始東土蓋疑郊祀回車

詳不必以郊回
琴操
唐寅曰琴操非古詩非騷辭惟退之為得體退之

中如將歸龜山拘幽殘形等操則亦可以為騷故朱子

楚辭後語採之論者但以柳集所無遂謂子厚不能作

而更造為非詩非騷之論以惑誤後生此真耳食之論

將歸

○聞殺寶鳴犢作

陳景雲曰鳴土俗本有寶

○狄

水

考異按水經注謂狄水今在濟鄆之間史云孔子自衛將西見趙簡子則其道不當出此此又不可曉者

○據水經注所載孔子歌咏狄水之辭疑史記自衛之言或誤否則言狄水者妄矣抑豈自衛之晉中間別有

狄水非酈元臨濟之謂與又按後漢郡國志河南雒陽有狄泉在城中劉昭註云左傳僖二十九年盟于狄泉

杜預曰城內太倉西南地水此水亦以狄名然而自衛適晉其道亦不須經此

猗蘭

○薺麥

孫韓舊註皆以薺麥當霜雪時不改其操此君子之有守余謂託興猗蘭忽復下儕

薺麥孤芳與羣蓂無分語殊不稱唐汝詢謂薺麥感陰

氣而生故以為匪人之喻猗蘭不與薺麥爭茂故取為

有守之比此論獨為超越以此推之雪霜二句言世亂而羣小盈朝薺麥之有言薺麥自有其時如鼠之乘昏肆竊蚊之候夜嚼人公所謂嗟嗟乎鄙夫是也甘處可傷之地不與薺麥爭榮是則君子之守也

龜山○嗟歸余輔方本如此考異歸余作余歸愚謂此

意脉相注作余歸則似孔子自歸與

越裳○四海既均荒于門是戲侮者治于田是不戲侮

上厥臨孔威言之四海既均又承上兩孰字言之舉世

皆不荒而克治者此越裳所以來臣也語語歸功祖德

與古操非且之力二句同意○古人最重田功荒則必

謂治田外別有不荒于門門與田特言嬉遊勤業之所非

必無荒于門而後能治于門之業也孫註謂

拘幽孫註琴錄云云按琴錄所載之辭幾于直言罵詈

日咨之篇則其幽深思遠似又有古人遠甚然讀詩文王

岐山○我幽于家方本如此考異作我家于幽愚按左

族為私族于謀又云室于怒市于色與此詩句法皆同

王荆公銘晁仲參墓有開封于家之語其銘李餘慶墓

云公闕于家來自陳留步驟此詩幾于準矩作方尤可証方本之非謬竊謂古文句法類此甚多不當輒改

履霜註云採棹花而食棹花即棠梨花春○獨無母憐

唐汝詢曰上文兼呼父母此以獨無母憐悟其父雖不明言被譖而失愛之由隱然見矣

雉朝飛○會不如彼雉雞馬大年曰別本彼作此無雞字而下語妃音嬌與雉協○

按漢時始有野雞之名恐周時未有此語或當從別本為是

殘形○而頭不知此操專重此句然莫識其意之何屬或云慨聖王之不作吾謂推之事親

交友及學問中崇德辨惑之事無所不通若就魯國而論或歎三桓僭妄亦未可知

南山詩舊註是詩百有二韻始敘四時之變次敘南山連互之所末敘經歷所見○按末敘經歷所見

又分三節昆明太池以下官四門博士時遊歷之境前年遭譴謫下貶陽山時所歷之境昨來逢清霽下則還

朝後即今所歷之境此詩元○羣山固固者禽獸草木所聚終南為羣

和元年官國子博士日作

山所聚故亦
 目之爲困
 湏洞兼用之杜詩湏洞半炎方湏洞唐人始
 撥是也近桐城方世舉云賈誼阜雲賦運清
 濁之湏洞則漢人已有此語非自唐人也
 從衣訓開其從鳥者訓飛喝係鳥
 口當從開義或云當從騫非是
 應解作破碎謂瀾動而所徑杜墅夜徑澤中之徑○按
 谷名陳杞世家有牽牛徑人蒲蘇小木與此義殊然扶蘇係
 史陳杞世家有牽牛徑人蒲蘇小木與此義殊然扶蘇係
 田之語徑字不始高紀
 雅釋器云鉞也蓋以刀劍相比氣饋餽原註爾雅饋餽
 與下介自爲一類此說近之
 饋餽熟爲餽○按稔熟也養音修孫炎曰蒸之閭閻按
 日饋均之曰餽說文饋一蒸米也餽飯氣流也閭閻閭
 閭恐取詩大雅崇墉言言之義古嶽嶽作嶽嶽令威曰恐當
 字閭與言通毛傳云言言高大也嶽嶽作嶽嶽令威曰恐當
 四門駭不慙也駭上云蠢蠢則駭字恐係駭字誤文慙勉
 之言

謝自然詩

舊註果州謝真人貞元十一年十一月十二日辰時白晝輕舉郡守李堅以聞德宗賜詔

褒諭其詔今尚有石刻存焉○按謝自然事當日俱奉

論宏偉其一片至誠惻○金泉山舊註在果莫能盡性

恒之心尤足令人感悚○孟子云盡其道而死者正命也

命此句足以喚醒癡愚者自公視之皆不盡其道而死

者耳○謝自然事人皆以為仙公獨斥為妖魅所惑

後世亦無有能追道之者宋慶歷中衡山何仙姑初時

亦以仙名晚與袁媼無殊臨死亦不聞別有怪異然至

今婦孺皆知其名蓋未經韓公拈擊故耳同屬異端其

為世所艷稱與否亦上以奉君親教誨子孫上以奉祖

自有幸有不幸哉

秋懷詩

陳云是詩元和初自江陵掾召拜國子博士時

有爭先者構公語以飛之公恐及難遂求分司東都是

詩蓋在已聞飛語之後未赴東都之前據釋言篇公被

飛語在元和元年六月以後
○驅白日原作驅日月按

則是秋正公憂讒畏譏時也
○犀首廉頗此一聯言已

詩鞭白日御則為望舒今據杜
○犀首廉頗具可用之材

而坐廢於無用故下
○犀首廉頗具可用之材

直接云學當日無事
○犀首廉頗具可用之材

讀此二語清寒
○犀首廉頗具可用之材

瑩骨肝膽為醒
○犀首廉頗具可用之材

因其誤調望舒之實其團則是以
○犀首廉頗具可用之材

思亦甚矣然上句謂是二字不可解
○犀首廉頗具可用之材

或云恐是須與二字之訛未知是否
○犀首廉頗具可用之材

蓋其不當與時流競進可知
○犀首廉頗具可用之材

公所以急求分司東出也
○犀首廉頗具可用之材

寄三學士詩
○人疾苦人讀下言

有疾苦之狀原狀棄妻逐子一節及此詩傳聞以下等

云是也至於幾旬宜優指原狀腹心根本其百姓宜倍

加憂恤等語特言其積雪此則原狀瑞雪頻降及容至

理如此不當用陳字積雪來年蠶麥等云是也以上六

句槩括天旱人飢一狀已無餘義公文一可將疑斷

以覆舉正恐讀公文者反未必能如此研析也

還不謂因或言而致疑于二子然斷之以理終不應有

黨人排斥貞元末王韋之勢已成公亦時有憤候之語

劉柳等專主採聽外事豈有不效忠叔文私以相告者

讀公憶昨行任文未掄諸語雖遇赦量移後猶懼黨人

構禍況當黨穢正熾之時論者徒據通鑑謂公貶但由

李實與任文無與通鑑據事直書豈能備述黨人排陷

之謀若謂公貶無與任文則李實自順宗初即位時早

已遠謫豈能尚為公禍而量移京使誤作師誅共咬憲

時尙復愁猜若是或論殊謬

宗受禍次日致理作治

自逐任文此詩與洞庭湖阻風同意衰草黃雲是十

是也蓋永貞元年

自郴赴江陵時作

夜歌舊註謂與前詩皆為德宗時強藩悍將而作公方

嘆謀計之未就雖欲憂之非所力也愚謂此詩自

江陵還朝初官國子博士日作時公得遂北歸且未遭
飛語當時強藩悍將如楊惠琳劉闢以次誅滅欣然有

太平之望故其言如此前詩謀計謂謀生之

計此云所憂蓋指官資之崇卑舊註非是

重雲一首○天行失其度詩方作天行令失度考異云公
此為奇愚按失度自指天行不應別出

令字反於行度無關考異云語猶未微

江漢一首契贈君高山石何以保真堅贈君青松色又

一云願君保此節天意當察微按此詩行忠信以下正

荅來詩山石青松保節之意郊稱公郎中則元和八年

自博士改比部時作次年未轉考功郊已前死因此詩

編入首卷與貞元中諸作相雜讀者遂不敢考論其世

岐山下○丹穴舊註子齊初應舉韓公賞之為作丹穴

穴以下別為一篇應題丹穴一首贈程昔範與前贈李

觀孟郊一例考通鑑昔範當敬宗初與張又新等同為

宰相李逢吉私人李漢編集時以此附岐山下四句之

後者殆鄙其為人故將原題削去耳又據通鑑當云名

昔範舊註
字字誤

北極一首○二十五
貞元八年公登第之歲觀以十年卒則公與觀交始終不及三年

此日足可惜○少知
按是詩貞元十五年作前此十三

歷中間張巡事於于嵩公生大歷三年至十四年裁止十二歲而籍已能向六十餘歲人問事計其年齒亦當

在七八歲是則公長于籍多不過四五歲居然以少知難得相目蓋籍年未壯公復以前輩自居故其言如此

或引賈誼少知治體為證則又主人陽節度主人謂元誤以長少之少為多少之少矣

也。按外集贈河南李大詩其註又云李元方世舉編年箋註遂將孫註兩元字悉改作元其註外集一詩

又引舊書德紀貞元十五年三月元為河陽節度使為昭義節度使考新史元為河陽節度使見德紀建中

二年正月元傳興元初檢校尚書右僕射以疾請老是

元不待貞元先以他官告老至十五年三月猶在河陽今考通鑑自河陽遷帥昭義乃係李元淳並非李元是年三月昭義帥王虔休卒遂用元淳為代公以二月至

河陽時度休未卒帥河陽者正屬元淳刊本元下無淳字乃由劉工脫漏非孫誤也方氏妄改作元所引舊史

德紀恐亦由其妄改此可為臨泉泉讀作淵雉雉鳴雉

讀書不能遜志闕疑者戒也臨泉泉讀作淵雉雉鳴雉

舊作雄雉今從建本雉鳴並出如前舟別離未久去籍于

航灘渾之例舊本特著一雄字無謂別離未久去籍于

入京離公清風窻戶涼以二月末到徐不知此詩何時

纔半歲餘清風窻戶涼以二月末到徐不知此詩何時

作若夏即當作清風窻戶涼若秋即當作窻戶忽已涼

○按是年秋建封奏公為節度推官此詩有共言無倦

聽及晨坐達五更之語必係未授職時楚山陳云時送

所作其時正當夏令當作清風窻戶涼楚山籍返和州

和隸淮南故楚地也故有淮水楚山之句

幽懷此詩與贈張籍歸彭城諸首同編疑亦

君子法天運皆君子之有好惡如天之有溫涼舒肅四時

搖扇盛夏或至重裘寒暑有不可期也利害有常勢謂

惠迪從逆之吉凶小人去順效逆是謂取舍無定姿結

句非謂我亦不能無惑正謂羣小恣行國脉必受其傷
故不得不動其憂疑貞元末小人用事一時欲速僥倖
之徒爭附之公自弱歲入京當出門無所之之日即知
有天命之不吾欺蓋其所見者卓矣是豈羣小所得而
亂之者哉此詩亦
爲任文羣黨而作

歸彭城○兵又動

孫曰貞元十五年詔諸道兵討彰義節度吳少誠關中旱四十

年冬無雪東郡水

十五年秋河決東郡

醉後

此詩舊註謂與卷三東方半明同義然彼詩自指憲宗在儲宮時此詩極言醉中酣適之趣衆客字

蓋泛言之恐不得竟指任叔文之黨

同冠峽

此詩貞元二十年赴任陽山時作

送惠師

送惠靈二詩公爲詩自令作

○絕翔走

言最高處飛走皆湖

淪

淪說文水波也浸湖淪言山根下浸湖波下文南海潛潛字乃訓水厓孫曰淪岸也古無此解

君寧

異於民謂公所見不異凡民或引世說中晉人自稱為

云寧異此亦鄙人所謂好奇尋嵩嵩謂中岳建嶽

送靈師○幽泉泉讀二州牧陳云開牧未詳忠牧謂李

于外及在忠州又六王員外樊曰時王仲舒自吏南曹

樊曰唐制吏部員外郎掌判南曹愚謂唐世尚書諸曹

槩曰南曹此承王員外言之故知其指吏部至判南

曹亦時用他官為之不必定由吏部如令狐暉以刑部

員外判南曹是也就吏部論百官志云員外郎二人一

人判南曹亦非凡為員外皆判

南曹也樊註所云似為衍說

縣齋有懷○一戰霸孫曰公屢試宏辭不第按公于貞

而後得之故曰何能一戰霸若三年公自十六年初夏

試宏辭則始終不得難以言霸三年去徐州至十八年

春始有四門博士之授休居雖止二年合計前後年歲

亦可謂之三年孫註直以十九年始除御史當之則前

此得官博士豈亦求官明公于貞元十六年冬及靈臺日

漢光武立明堂辟雍靈臺號荷朋友此句乃指御史之

三雍宮此謂官博士時也

力辰在丁按公以貞元十九年貶官時歲在癸嗣皇按

宗以貞元二十一年正月即位至八月辛丑改元永貞舊註謂永貞元年即位至八月辛

題合江亭寄刺史鄒君諸本如此方從閣杭蜀本只存

文亦用蜀本愚謂篇題宜從諸本不著題寄等字則篇

中君侯一語矣無來歷三處註文却宜備載邦君實王

佐下註曰故相齊公映所作高唱久乃邪下註曰字文

郎中炫又贈其制天子閔窮餓下註云前刺史元澄無

政廢使中丞楊公憑奏黜之朝廷遂用鄒君劍本遺第

三節吳本遺第二節今彙諸本補足○此詩永貞元年

公受江陵法曹之命自柳至衡作詩云窮秋感平分新

詩可兒

遊湘西兩寺○千里平

一說千當作十州城方十里坦然而平湘西嶽麓寺乃獨高處

故公詩云云沈德毓曰千里平即孟浩然詩所謂掛席幾千里名山都未逢是也公詩統舉大勢無一語及于州城大小改千作十轉使語意索然一說非是

岳陽樓

○轟磕

幽磕方作輻云邱葛反羽獵賦輻字顏音一轄反

與幽字爲雙聲若音邱葛反則富從上林賦碎碎矜矜之磕盧詩杭蜀本作轟渴蓋音存而字訛爾今从建本

宜春口

唐曰宜春即袁州陳曰時公自潭抵岳以趨荆南不應至袁州境觀下夜纜已陵則宜

春口蓋在岳州之南乃洞庭中小洲渚名耳註誤沈德

毓語余云潭即今之長沙府岳州在長沙府之瀏陽縣

北瀏陽南爲醴陵縣東與江西袁州接壤宜春口蓋爲

醴陵東達袁州之水口愚謂公自潭北上雖不必東至

袁州然欲抵岳州則此口在所必經故曰過口陳謂洞

庭中小洲渚當改爲湖旁汊港之名于義乃顯至斥唐

註爲誤則陳不擇行取友之隘

語亦嫌未析

姦猜

此詩劉禹錫亦有和篇各敘貶黜之

由然公能作姦猜畏彈射之語禹錫則自云衛足不如葵其辭慙矣

送文暢○四門館孫曰後魏太和中立學于四剗剗引

淮南楚辭甘泉賦皆作剗剗又引或說剗作剗云見傳

穀琴賦按傳穀琴賦載古文苑第二十一卷其語云命

離婁使布繩施公輸之剗剗救渴云公詩用今韻者未

其字並不作剗或說誤也救渴云公詩用今韻者未

嘗逾韻此詩三十三韻不應獨旁取此一韻按賜字今

韻入月渴字入曷誠為逾韻然二韻本可通用況作救

賜則當用涼風或揮扇等字今云飲水北門孫曰謂田

則是救渴可知今從建本及樊註作渴北門季安為魏

博節度使陳曰此謂河東帥嚴綬唐以太原為北門屢

見于史若以魏地為北門宋都大梁時始有此語唐時

無有也又唐河東帥府兼統幽都孫曰謂劉濟為幽州

藩部故繼以威德歷胡羯句幽都節度使○按公送李

端公序稱濟為天子之宰蓋濟以

節度兼平章事故此詩又稱相公

答張徹○睢岸公避亂居睢在貞元十五年二月之讓

暮肝胆以下皆與徹始識面時事

抗慙丁

舊註以抗為羊祐推心之陸抗丁為庾公差學

遜不敢抗請師則我又愧不敢當宋書謝瞻傳稱瞻文

與仲叔現族弟靈運相抗即此抗字公贈張籍詩零落

甘所丁亦與此丁同乘枯沉細謂枯謂查細淫療句紀述

義抗敵也丁當也乘枯沉細謂枯謂查細淫療句紀述

時事之辭歸彭城篇云去歲東郡水生民為流屍觀

篇云河堤決東郡老弱隨驚湍意此時東郡河決徐泗

間亦被其災故有防泄懼衝等語事戎轡辟公為節度

舊註槩以相從樂事言之殊謬事戎轡辟公為節度

推分手此為後分舉事此聯謂朝正畢後省選鄉賓此

官十八年選授四門生此微下第東歸與公相別與前

博士時微正下第塵祛此微下第微留公去者不同蓋

在十八年公為博士之日故下直接休告撞筵本皆從

登華一事孫註槩指為十六年事殊混撞筵本皆從

草舊註草莖也樊曰說苑子路對趙襄子曰建天下之
鐘而撞之以筵豈能發其聲乎方氏好奇謂字當從竹
訓為繼絲管以管撞鐘猶足發聲未為微之至者且引
東方朔客難為據考漢書朔傳字實从草文穎曰謂藁

廷也則方為蕭著蔡即寄三學士詩所謂漸階振鷺陳

謬說無疑振鷺之聲充庭鴻鸞之黨漸階見劇秦美新文又韓詩

振鷺篇薛君章句曰鷺潔白之鳥西雍文王之辟雍言

文王之辟雍學士皆潔白之人此句語本螟蛉果羸祝

揚子義取韓詩蓋與下句並切太學言之螟蛉果羸祝

子以比七十子慙馨瓶刺不能使富分貧衆卹寡也

肖仲尼見法言慙馨瓶刺不能使富分貧衆卹寡也

鵲鴿微弟復亦舉

薦士薦孟郊于鄭餘慶也按郊登第在貞元十二年間

鄭餘慶奏為水陸運從事餘慶以元和元年十一月尹

河南二年辟郊為從事則郊之去尉當在貞元二十一年

年唐制居官以四考為滿二十一年正郊滿官罷任之

時舊註貞元十一年郊為溧陽尉鄭餘慶尹河南公作

詩薦之紀年皆舛又餘慶以元和元年五月罷相為太

子賓客九月改祭酒時所薦若在尹河南南時則此詩當作于

餘慶初改祭酒時所薦若在尹河南南時則此詩當作于

二年九月時公已于夏末出京篇中所云似公與郊同

在京師非分司東都時語竊謂水陸從事之辟雖由此
詩之薦作此詩時自在餘慶未尹河南之前舊註謂即
在尹河南之○埋訓詁蘇詩端莊雜流麗剛健含婀娜
日其說非是又公送區宏詩有當今天子鋪隱德威句與此
句法正類更明凡顯施于外者則曰鋪隱德威于內者則
對照其旨更明公指字無意義今從人或本鮑謝眺何焯
日理此是韓公指字無意義今從人或本鮑謝眺何焯
多長改作理字無意義今從人或本鮑謝眺何焯
謂齊人矣歸與張登父崇敬崇敬官兵部尚書先建
則齊人矣歸與張登父崇敬崇敬官兵部尚書先建
封一年卒故公敘次先後如此登當德宗世官不
遇兵部員外郎不應並稱二公且反列張上也
清一舉手之勞耳或引河渠書徑易漕之語以釋此文
讀為難易一簞沈曰此用趙盾救靈輒軍事蓋指筆食舊
之易非是一簞沈曰此用趙盾救靈輒軍事蓋指筆食舊
算醪醑不可以救死舊註非是

喜侯喜至○游處處也作去聲讀得與數君遊水鏡石劍

鏡劍字當句作對皆形容假借之辭與礙目嶽本目作日誤承

陸機所稱異義孫謂水鏡一名域非是

間騁聘今從吳本

古風此詩為各方鎮賦役煩苛而作非為不廷不貢發也與烽火詩義指各殊樊謝二註混而一之非是

○不用兵胡渭曰此必貞元十四年以前作十五年則吳少誠反大發諸道兵討之矣愚謂十四年以前公在汴幕主賓甚相得不應作此哀怨激楚之音考

德宗本紀自貞元二年李希烈伏誅後雖吐蕃時有蠢動不過邊疆之患中土諸節鎮無有稱兵構亂者公所

謂幸時不用兵也此詩十年以前客居京城未入汴幕

時既蹙既蹙即謂賦役煩苛然此前此朱泚李懷光之亂則尚有可生之望也

驚驥贈歐陽詹樊曰公貞元十五年冬以徐州從事朝正于京師歐陽詹時為四門助教將率

其徒伏闕下舉公為博士詩殆此時作○諸本無贈歐

陽詹字洪云唐本有之按篇末有寄詩同心子句標題當從

○商聲秋聲也舊註引詠懷詩素質游商聲為解

唐本極當補註引記愛者宜歌商則是指商頌

矣

出門

此詩公貞元二年初人京師未遇馬燧時作故有出門無所之語

○有遺辭

遺方

按其字空無所指作遺承上已死說下語較切實義復渾全今從或本後凡改從或本者但云原作某不更出本或

嗟哉董生行

方世舉曰此詩公在徐所作徐壽地近故稔聞其行義如此

○或山于

樵或水于漁

兩下字方本如此與論語各於其黨春秋傳於諸其家公詩婚冠所於同義謂于此

焉樵于此焉漁宋曾子固南軒記云或田于食或野于宿正用此詩句法送蔡元振序又有室于嘆塗于議之

語楊誠齋易傳釋既濟六四爻辭亦有室于嘆塗于居水于澤之語皆與此詩句法相類改于作而語間反生蹊盤餘

詳首卷岐山無休期作休吳本

烽火

唐庚曰時吳少誠敗韓全義兩都甚擾擾詩以此作按唐說非是全義之敗在貞元十六年五月時

公去徐居洛未入京師與詩王城富樂一語境象不符
 考德宗本紀貞元二年九月吐蕃入寇是冬連陷鹽夏
 二州明年閏五月盟于平涼吐蕃劫盟公兄侍御史弁
 為判官被害六月寇鹽夏二州八月寇青石嶺九月寇
 連雲堡十月又連寇豐義長武城此詩貞元三年因兄
 弁殉難後連遭吐蕃入寇而作時公年二十歲正在京
 師讀首二句知所慨在邊塞非為中 ○塞塵飛 塞塵飛
 原結語寄慨遙深亦兼為兄弁下淚 事光輝 前詩好我
 塵飛鮑昭詩迅風首旦發平路塞飛 衣服甘我
 塵則 是充塞之塞舊註引之非是 燭夜歸作引 寧自感 言所憂
 飲食二語即所 曰已暮 此句為下文秉 寧自感 在君國
 謂事光輝也 身私計 非為一

汴州亂 印憲會日二首前

利劍為汴州之亂可知又詩旨與炭谷湫吁無吹毛刃
 二語畧同考順宗實錄言京兆尹李實陵轅公卿以下
 隨喜怒誣奏黜陟則此詩所云讒夫恐指李實言之

足此詩貞元十五年秋為徐州節度推官日作妖姬

河決東郡詩中念時涕沆瀾句正感老弱驚湍一事○

讀此詩首章八句襟期宏遠氣厚辭嚴見公憫惻當世

之誠發于中所自不能已從遊如李翱輩漸涵于公之

教澤者深故幽懷一賦辭氣悉與冥會歐公讀幽懷賦

至恨不得生期時與翱上下其議論蓋其所感者深矣

顧反薄韓愈為不足為則豈讀公此詩獨能漠然無動

于中乎至譏公羨二鳥光榮則愚于

二鳥賦辨之已詳讀者可覆視也

寄子姪老成子字疑衍或引杜甫贈姪佐詩嗣宗諸子

子姪蓋泛指羣從下句早覺仲容賢乃指姪佐若篇題

直云示子姪佐恐亦未安○又按貞元十六年夏公去

徐居洛冬如京師明年三月東還此詩十六年夏公去

年在洛時始擬入京而作觀次章末句可見○三年不

見按公祭老成文貞元十四年老成歸宣欲并取其孥

來汴因公去汴不果十六年公佐戎徐州使人往取

老成繼又去徐不果是冬將入京師不遠其還按聯句

與老成別二年餘矣故云三年不見

與老成別二年餘矣故云三年不見

與老成別二年餘矣故云三年不見

與老成別二年餘矣故云三年不見

與老成別二年餘矣故云三年不見

與老成別二年餘矣故云三年不見

與老成別二年餘矣故云三年不見

與老成別二年餘矣故云三年不見

與老成別二年餘矣故云三年不見

與老成別二年餘矣故云三年不見

與老成別二年餘矣故云三年不見

與老成別二年餘矣故云三年不見

與老成別二年餘矣故云三年不見

與老成別二年餘矣故云三年不見

與老成別二年餘矣故云三年不見

與老成別二年餘矣故云三年不見

與老成別二年餘矣故云三年不見

與老成別二年餘矣故云三年不見

與老成別二年餘矣故云三年不見

與老成別二年餘矣故云三年不見

家本瀍穀有地介臯鞏瀍穀臯鞏皆今河南府地唐爲洛州公去徐卽洛蓋是返其故居祭老成文云將成家而致汝卽謂致之於洛也探厥者必于山緡魚者必于淵洛旣爲公故居則雖有京師之役終當不遠其還耳蓋聚族必于是也舊註謂求祿必于京師似錯會公意後老成竟死宣州在得此詩後二年

山石

樊曰此詩編大河之水後當是去徐卽洛時作愚按此詩在徐獨遊而作公今在徐所親無一相從者

與東野書及贈張籍詩可考今此詩卒章又復云是以知其爲在徐作也樊註恐非

天星

按凝以貞元十四年十二月朝正于京明年二月汴州亂同幕諸君皆被害公與凝獨脫公從董晉喪去汴至洛凝則朝正未歸吳

本註云此詩十二年作恐誤

汴泗交流○發難得巧

謂發之難得之巧建封和詩云俯身仰擊復旁擊難于古人左

右射與此難字正同蔡註引漢立六國後張良爲發八難則作去聲讀與前薦士詩引史經易漕以釋易可潛者同非爲劇皆以戲劇疑張張則自云習蛇矛學便馬誤

用備戎事耳公故順其意而謂之曰習戰

鳴雁○羣侶違公在徐幕中無一同違憂懷息惠按原作

在徐自謂病而求息今既毛羽摧落又與羣侶相違則

求息之念又將轉而之他所以云違憂懷息前此之來

本以求息今此之去亦止為懷息之故故曰性匪

他以此推之惠字脫空無着不如建本作息義長

龍移此詩為順宗○魚鼈此為劉柳諸人發嘆魚鼈即

是枯死可悲則承貞行所

條山蒼條山東之河曲歐本註云今之蒲中也說者但知

公使鎮州嘗假途出此故方世舉定此詩為長慶二年

作余讀連理木頌及外集題李生壁知公未第時先會

兩至河東此詩貞元二年初至河東城尚未膺李泌之

薦正隱條山公感事賦此波浪句謂遠近慕其德行從

學者多松柏句仰其德行之高且有未獲從遊之恨方

謂長慶中作則與前後奉使諸詩不類又議此詩之作

為無謂且疑下有闕文皆由誤定為奉使鎮州時作故耳余定為貞元初美陽城作則語甚有謂亦不嫌其有闕文

○高岡

高方作山按首句已有山字不宜複出作高其義尤勝今從建本

贈鄭兵曹

韓曰鄭或以為鄭通誠張建封節度武寧通誠為副使公為其軍從事樊曰白樂天哀二

良云祠部員外郎鄭通誠此云兵曹未詳愚按通誠為亂軍所殺即在貞元十六年建封始卒之時何祿十載

後又有樽酒相逢之事若以即今相聚為十載後則爾時通誠正為副使亦未見其遑遑而無所依也此兵曹

恐另有其人必非通誠又武寧軍係貞元二十一年順宗賜額當建封時止當云節度徐泗濠三州

桃源圖

○武陵

陳曰元和十年寶常為朗州刺史朗州唐武陵郡常有之官寄劉夢得詩柳子

厚和之見柳集常之刺朗亦見三十三卷寶年誌

南宮

陳曰臨邛本註云必與一郎官廣和廖本改郎

官為禮部郎非也尚書諸曹唐代統稱南宮不專指禮部如赤籐杖詩稱虞部為南宮即其証也愚按公論孔致仕狀謂臣與殘同在南省時公為吏部殘為左丞皆尚書屬張水部祭公詩亦自稱南宮郎可知南省南

宮尚書諸曹皆可並稱蓋唐制門下省在左中書省在右尚書省在南稱南宮南省南曹所以別于東西二省

東方半明○殘月相疑

順宗時王叔文用事首引韋執誼為相執誼初不敢負叔文後

迫公議時有異同及叔文母死執誼蓋不用其語叔文乃大怒謀起復必先斬執誼而盡誅不附己者及太子監國兩人先後誅逐篇中殘月相疑二句蓋指王之恕韋也先是六月癸丑韋臯上表請皇太子監國已而裴均嚴綬表繼至悉與臯同時羣邪蔽主而皇太子已為海內屬心是為東方半明之象又叔文與王伾相依附自叔文歸第伾日詣中人請起叔文不得七月戊寅伾遂稱疾自免公詩所謂大星沒也時叔文之黨已漸去惟執誼為相如故故獨以太白配殘月擬之

贈唐衢

衢善哭事見舊史及白樂天贈詩其文則僅存陽武復縣記一篇見集古錄歐陽公謂其氣格

不俗亦足佳也

贈侯喜

韓曰是詩貞元十七年作見洛北惠林寺題名○按公時赴京謁選無成而歸故有箕穎之思

○遠去

舊註載東坡笑退之釣魚無得更欲遠去不知

隱之思指塵世為沮洳耳非欲馳逐于名利之場別求厚獲也樊謂公年三十四方有求官去東洛之語而東

坡儋耳晚歲發于憂患之餘以此為兩人所見之異豈非錯會韓公主意

古意

舊註引沈顏登華旨謂國史補言公好奇登華為不察韓公假事諷詩微旨余謂悔狂咋指明載公

詩此事何須深諱但詩題古意並非紀遊之什詳詩結句蓋欲人君膏澤下流之意疑是貞元十九年為天旱

而人

○沈疴痊

通籍從此一句生情

下種七澤

欲使病者皆得痊可不致憾于遠求

也莫致

贈張功曹

按百官志諸曹參軍事皆正七品

○槌大鼓

此下追敘順宗初卽位時二月

甲子之赦并及兩人被抑不得還朝使家抑時楊憑為

之故或指八月五日內禪之赦者謬

判司阜官

孫日公時遷為江陵參軍公法曹張功曹此句係張

自指孫捶楚何曰隋文帝開皇十七年三月詔諸司論

杖于是上下和驅送行非由他言不必歸怨使家舊註

捶楚唐蓋沿隋俗也非由他言不必歸怨使家舊註

謁衡嶽廟○正直印曰正直謂嶽神左傳廟令志五嶽

四瀆令各一人正九品上掌祭祀建木令作內非是

永貞行韓曰郎官荒郡意指劉禹錫出為連州遷近荆蠻

故作是詩愚按公岳陽樓詩禹錫嘗有和篇韓謂遷近

荆蠻並非臆論○樊曰禹錫至荆南改武陵司馬此詩

未改武○付私黨私黨指韓泰事詳順宗實錄說者謂

陵前作○付私黨德宗以禁旅假宦官此唐室致亂之

由奪歸朝士正叔文杜漸防微之計公反用此為譏非

所謂怡而知其善者矣余曰不然臣事君猶子事父子

之與父豈可與校論是非必也委曲開陳使吾親曉然

知此理之當遵則雖有變更一稟父命為之于已無預

人臣事君何獨不然孟子曰惟大人為能格君心之非

大人之義貴在格心至于用人行政人主之事非臣下

所得代操其柄迫欲自見其能則如宗元貶謫後與人
書牘猶以欲與堯舜周孔之道為辭當其乘時竊柄更
何患無美名可托董子曰其實皆以為善為之不庸夫
知其義子之以大惡而不敢辭其即此類也夫庸夫
干陳謂直以窺覲神器罪任文執誼讀之不能無嗜其
甚矣之疑余謂干天位不必定懷篡竊之謀盜弄威
權即已目無君上讀此詩者當知臣道無有成之義一
有專輒自為之意即難追于悖逆之誅以此警訓後人
庶有裨于風教不宜苛責

韓公反為三姦曲庇也

洞庭湖阻風

或曰赴陽山時作樊曰公初赴陽山有春風洞庭浪之句此詩首云十月可知其非

愚謂此詩卒章明云非懷北歸興何用勝羈愁則其為徒椽江陵時作非南遷時作可知

杏花○北郭古寺

江陵有金鑾寺退之題名京國應前在焉居隣古寺意即此寺

句

感春四首

玩第二首幸逢堯舜明四目及平明出門幕歸舍句似二年春為國子博士在京師所作

蓋公既遭飛語方求分司東出故其辭多哀怨之音○
臨叩韓氏感于前後篇題槩指為掾江陵時作非是○

千江作千山悲齒墮劍本悲作驚今

寒食日出遊題下分註張十一院長云云凡二○南荒

吏張掾江陵邕管又奏為

憶昨行○數日上聲猶計也驛馬頻隕陳曰公踰嶺南出

據地不前策之猶不能升故曰驅投檄北去按墓誌云

頻隕隕字正取不能升高之病

判官不行拜京兆府司錄蓋邕管雖有

劉生詩按題曰劉生與卷五孟生詩同旨或以為樂府

是詩述劉之投公有天星迴環之句則其初至當在二

○波山浮按波山浮謂波興如山上文磨字無所比附

从酬恩按酬恩三字不過趣韵作結所謂詩歌特
石酬恩雒等戲劇是也公與人交已而我負終不計死
則恤其家史稱終始不變蓋實錄也或以是為公心病
所形公有此病當確指其實跡言之何得混以虛辭相
鑿此真誣善之言昔
人警諸蠅矢者也

鄭羣贈簞○蕲州簞竹簞原作笛或引白詩笛竹出蕲

天生簞由人力白詩霜刀劈翠筠句已為笛字加一番
斲削之功又云織成雙鎖簞明點簞字然後接下寄與
獨眠人句為順若直云以笛竹寄獨眠人笛與眠奚涉
耶此詩鄭君所寶及卷送鋪地倒身甘寢等云皆切指
簞竹言之不應首句諱簞言笛反使通體皆空無依傍
也今改從或不本非謂簞竹不可言笛用字各有宜當耳

慢膚按楚辭天問平脅曼膚註云肥澤之貌此慢字恐即曼字之誤

遊青龍寺○卯南季秋之月日在房房大寶駢劍本嶽

火寶或謂蘇詩有炎雲駢火寶句擬原本實屬火字然
彼咏荔枝不可言大此咏柿作大寶乃與下句虬卯相

稱且與上下文火傘類虬纂纂孫曰潘岳笙賦曰詠園
不傷重複今從建本吳本纂纂桃之天天歌棗下之纂

贈崔立之評事○未登朝

陳曰立之初官畿尉畿尉遷

止遷評事不得御史是未得為登朝官也然赤尉孫立

比赤尉猶為差勝耳赤謂長安萬年二京縣赤尉斯立

初為伊陽尉按孫註蓋為後篇酬崔十六與少府行異又

陳曰崔十六別是一人斯立行二十六與少府行異又

少府以赤尉攝伊陽令未嘗為伊閑官時公官國時一

陽尉伊陽為畿縣非赤縣註全誤閑官子博士時一

發時一作一虛北選註引大戴禮曰邱枚臯印曰獨以

捷敏討蜀克成都擒闢是詩九月崇文伐蜀討劉闢九月

送區宏南歸○荒是非

謂按荒是非即指穆昔南征一事

可考實也韓註以九落以斧印曰漢鏡歌上邪篇云山

山疑似言之陋矣

下四韓公蓋引以經徽按史賈誼傳禍之與福何異剝亦有本也

公經徽二字所本又揚雄酒箴不得左右牽于經徽師

若曰井索也井索可言經徽更無疑于木工所用之繩

墨矣恐不得以周易拘係罪人墨索為疑

耳

三星行

○牛箕

謂二星分夾南斗兩旁月宿南斗未見必遭口語祇因逼近箕星故簸揚不定

剝啄行

此詩大有厭世混濁之意蓋在元和二年既遭

去意謂世人惟名與官是急若不離去名官日與若輩

波瀾相逐則雖緘口杜門彼之疑鬼疑神者造語萬端

終不可止今去不勇二句又促使遠去也是年

夏自國子博士分司東出是即公之勇于去也

語言

此句非謂倦于應對謂公素困讒言故欲絕去交

與為波瀾

波瀾字蓋用此為戒耳不引去則必至與

為波瀾解者乃謂勸公隨俗波靡則與詩

意大變化咀嚼此謂讒者鬼蜮之謀行狀

孟東野失子

此詩黃魯直以為是涅槃中佛語愚按此詩每四韻為一章除首末四章敘事外中

三章首言天地人各不相關無子不當歸怨于天次言物各有分有子無子皆莫原其故末言子之最惡者以見無子不必悲傷此自韓公所見並非涅槃中佛語魯直引公荅侯繼書以見公于佛書無所不讀作此援儒入墨之論誣矣○唐曰東野為鄭餘慶幕佐在元和二年此詩當是時作也

○由緣

建本如此叶上

顛韻極渾脫自然方以欲從古韻之故改緣作因反使語咽不響

陸渾山火

韓曰此詩元和三年冬分司東都時作始言火勢之盛大言祝融之御火其下則水火相

克相濟之說樊曰湜舊史無傳新史但云擢進士第為陸渾尉今以牛僧儒李宗閔傳考之元和初與牛李同舉賢良對策忤宰相意牛調伊闕尉李洛陽尉則知湜尉陸渾亦其時矣考唐登科記湜中賢良在元和二年則此詩宜屬

○虎熊麋豬逮猴猿鴉鵂雕鷹雉鵠鷗水

龍鼉龜魚與鼃

原本鴉鴟句在水龍句下愚按虎熊等走屬鴉鴟等飛屬皆陸產理應類敘龍

鼉等鱗介之屬與虎鴉類敘不倫故須別提攢雜啾噉

水字據法鴉鴟七字當著水龍之上今改正

祝曰啾啾小聲噉頰胷垓腹

大喚見廣韻頰胷垓腹其于人也為大腹故以頰

目等亦從為日為電為甲胷為戈兵句化出造語必有

依據繙帑日繙帑說文云幡也與裴蓋同類被風吹亂故

也為亂益池波風肉陵市益肉承上脈臍言之下文以壑

非是此句益肉言之方云益如池而波風肉之陵屯則似指火之

說也是也考異謂如益池之波風肉之陵屯則似指火之

勢焰恐醕醕畢而導賓也磻磻祝曰晉王嘉拾遺記月

非語意醕醕畢而導賓也磻磻祝曰晉王嘉拾遺記月

碑之避元根或謂水陰根陽火也愚按如或言則下文

炎光避元根或謂水陰根陽火也愚按如或言則下文

言項冥畏怯自離其本根耳蓋絕其多夕詩有餘益

水屬元冬為水舍是即元根也絕其多夕詩有餘益

煨傳訓熟食俗本从友作煨按煨與餐同吞也音干安
反韵既不諧又謂絕其食則可謂絕其吞則不可義亦
不安今小騫舊作騫音愈訓虧少仍註云一作騫今以
定從夕
字從鳥音虛言反其音愈
者從馬自入先韵今改正
此元冥復怨之時韓曰水生于申火死于酉故水至申
而利火至酉而怨按孫解利復怨韓解月及申酉皆是
韓解水至利辭誇出真遂上焚
火怨則非利辭誇出真遂上焚
他韵不宜獨溢
此字其誤無疑

縣齋讀書○有共賦無孤斟樊曰公在陽山區冊區宏
寶存亮劉師命輩皆自遠

來故有此句

新竹韓曰此詩同下晚菊皆在陽山作愚謂公在陽山
從遊士頗不乏唯在徐時所親無一人在者所謂
何人可攜玩及下篇此詩無
與語殆皆在徐獨遊時作

晚菊

此詩在徐幕夜歸所作時初受

落齒

○木雁

莊子山中木以不材得終其天年今主人雁以不鳴死下文默好軟美正言不材

之可

持用

持微本

哭楊兵部

樊曰柳子厚作疑墓碣云貞元十九年正月卒李習之陸欽州述云貞元十八年四月卒

參先凝

一年卒因兩君皆

○纔半

時公年三十六

新墳與宿草

趙德文

錄本如此見五百家註此句點明陸先死楊後

死公所以

同時併哭之故最為醒目傳本作論文與晤

語句近凡

俗且上文知己二字其義已該不煩縷舉兩

又論文即

是晤語就本句論亦嫌冗複今定从趙本

如何

兩舊作可今亦

苦寒

樊曰韋渠牟傳云自陸贄免德宗不復委權于下

王紹李

實韋執誼與渠牟等其權倖人主此詩所以諷

也貞元

十九年春作韓曰此詩與訟風伯同意陸寒奪

春序謂權臣用事太昊守謙則謂當國者畏避權臣苟
取充位而已其下反覆所言無易此意末望人主進賢
黜佞使恩澤下流愛君○屢以漆以舊作已按作已不
憂國之意具見于此
在占數也寢苦編以爲衣則謂之披苦編以爲席卽謂
之寢苦夫差欲報勾踐之讎至于臥薪臥薪亦寢苦類
也又如枕用角郭公出亡在野御者以土塊枕之而去
是卽謂之枕塊帶用絲革貧者以索爲之則卽謂之帶
索至遭喪之子無有不寢苦枕塊帶索者然不得謂凡
屬寢苦枕塊帶索皆有喪者也此詩多危苦之辭如以
肌膚爲鱗甲衣被爲刀鐮口角則云銜箝持箸則云排
籤豈皆真有事此句以寢不安席爲不安寢苦蓋措
辭之道宜然方從校本改安寢爲汝覆謂指窓間鳥雀
而言隔斷前後文脉謬戾不可通舉又僅僅覆一鳥雀
乃用伊我稱最靈句轉入會謂韓公騰身汗漫之筆顧
作此跋鼉登山之勢乎今從諸本仍作安寢考異懸乳
雖從方本仍載諸本如此固望後人再爲酌定也懸乳
謂簷我死意亦厭杜甫詩安得廣厦千萬間大庇天下
寒士盡歡顏嗚呼何時眼前突兀見

此屋吾廬獨破受凍死亦足此詩卒章與之同意

赤藤杖歌○飛雷著壁

飛雷謂赤光閃爍從隔戶間倒映壁上若攫蛟螭孫註以蛟螭

喻杖則似真有飛電來搜矣

崔十六少府攝伊陽○蔬嬾要同喫

按詩素嬾之嬾音孫其字从夕說文

所謂哺食也其音干安切者字从夕與嬾形聲俱別方說混而一之非是此係魚嬾之嬾字當从夕要平聲

前計

謂貸是幻方從閣本如此考異作善幻愚按致豬

自謂有藜藿可飽兼有魴鱸佐膳殊不羨肉味之美則崔書雖至物竟不達故云此語是幻即東坡所謂豈意

青州六從事化為鳥有一先生之意是字不當作善

送侯參謀

原註侯繼時從王鏐辟按史元和四年十月辛巳成德節度王承宗反十一月乙巳彰義

節度吳少誠卒弟少陽自稱留後詩有河

○學省官

公時

北蔡帥及歲老等句蓋四年十二月作

先于六月自博士改都官員外
郎此云同官學省蓋追敘之辭
嵩少嵩劍本吳本俱作
按崧高也此指嵩山少遷滿謂公遷都官
室不當作崧今从建本
三年九月以淮南節度使
王錡僉校司徒為河中尹誰為應按祝說是孫訓應為
當非

東都遇春

此詩韓醇以為元和五年作愚按篇中有幸

時作其日遇春

禹跡

跡方作績孫曰左氏茫茫禹跡

蓋三年之春

感春五首

按公以元和五年由都官郎拜河南令是詩

家可見方據洪譜直定
○到死得閑處樊曰憲宗即位
為河南縣令時作非是
○按公先為御史才數月即以言事被斥自江陵召還

又以畏讒之故自求外出所謂坐狂朝論無由陪也
此司兼承上二句言之樊說專舉軍興義猶未備○

放車載草陳曰時討王承宗于恒州配河南府饋運車

憲宗可其奏放車起居諫議按裴度先為河南功曹召

載草指此事也起居諫議時已為西川武元衡掌書

記樊註甚明孫謂自功曹召入謬也但召人為瓶與壘

起居室人樊云為郎亦非諫議孫謂孟簡孔殘公

瓶必有資于壘瓶罄則壘恥之公意望當路諸公

傾壘以濟瓶也孫註泛云公以自喻語猶未析

酬裴十六功曹詩有山水秋句蓋元和二年初赴東都

燕河南府秀才○文物公時且泛言之章按此句指周

考試乃及文章如此方扶擎擎字从手與上扶字為類

有次序今从建本作物若从木作榮義訓架類篇

云有足所以几物前漢地理志師古註籩豆今之邦楨

繫也係實字與上相字不相楨幹陰風風劍本作

權德輿以是年九月作相楨幹陰風氣非是

也字从木劍本作禎訓祥非是

送李翱

孫註時翱應廣州刺史楊於陵之辟于元和四年正月己酉自東都旌善坊以妻子止船于漕

乙未

離東郡○按云乙未則己酉之已恐當作乙據

翱來

南錄己酉作己丑則在乙未前六日知刊本已字

不誤

西字誤耳又按張籍與李浙東書云閣下從事李

翱考舊史憲紀李遜觀察浙東在元和五年據此則翱

赴廣幕不久

復依遜于浙

送石處士○鉅鹿常山

鉅鹿指王師退屯之所常山則反將王承宗所據之地此聯即

序文所謂冠聚于恒師環其疆者也又按此詩結語幾

有滅此朝食之意時尚未奉洗雪承宗之詔故其言如

此樊註兼赦承宗

言之恐非詩意